



SamSam su tarea ta pa sostene esnan ku tin un entrada mínimo ku tin di atendé i regla un entierro, pero ku no tin e medio finansiero pa hasi esei. E meta den esei te pa evitá ku nan lo haña nan konfrontá ku un debe grandi.

E sinku reglanan di oro

Na momentu ku un ser kerí fayesé ta hopi kos ta bini riba bo. Mester regla tur tipo di kos. Tur hende ke algu di bo. Pero no ta nesesario pa bo disidí rápido. Ta mihó pa no hasi nada e promé oranan. Solamente si bo ke, bo por sera wowonan di e defuntu. Ku un duki bo por sòru pa e boka keda será. Si e persona tin plancha, ta mihó bo laga esaki den su boka. Wak e situashon trankil ku ayudo di e 5 reglanan di oro.

1. No firma nada

No pone bo firma bou di ningun dokumento. Sigur no riba papelnan di agensia funeraria. Tampoko riba dokumentonan bankario ni di kas ni riba dokumento di kas di kuido. Den un palabra, no firma ningun dokumento ku keda poné bo dilanti.

Dikon esaki ta importante?

- Si bo firma komo heredero òf kuidadó di esun ku a fayesé, abo ta totalmente responsabel. Esei ta nifiká ku abo tin ku paga tur gastu.
- Aunke ku bo no tin plaka tòg lo pone tur e gastunan pa bo kuenta. Den un situashon faboral por ofresebo un areglo di pago. Den un kaso no faborabel ta agente hudisial (deurwaarder) ta pasa pa kobra e plaka. Tambe por pone embargo riba bo salario.
- Banda di esei ta posibel ku e fayesido tabatin debe. Si bo a firma dokumentonan bankario e debe ta pasa riba bo nòmber. Esei ta nifiká ku t'abo tin ku kaba di paga e debe.

- Bo a firma algu? Den e kaso ei bo a apsetá e herensia. Unabes ku bo a firma no ta posibel mas pa rechasá e herensia, porehèmpel un debe. No ta posibel mas pa aseptá e herensia bou di kondishonnan spesífiko. Esei ta konosí komo aseptashon benifisioso.

2. No regla nada pa e defunto

Preferiblementee bo ke regla tur kos mas pronto posibel ora bo ser kerí fayesé. Asina bo ke regla su entiero, pone e kas na òrdu òf paga e último hür. Tòg ta mihó pa no regla nada. Ta importante pa sa promé kon ta pará ku e herensia.

Dikon warda ta importante?

- Konforme lei bo ta (finansieramente) responsabel pa tur kos ku bo regla.
- Pensa bon promé ku bo aseptá e herensia. Kisas bo ta heredá un debe.
- Bo por aseptá un herensia aksidentalmente tambe, porehèmpel usando e telefon di e fayesido.
- Despues die esei no ta posibel mas pa rechasá e herensia. Òf pa asept'é bou di kondishonnan spesífiko (aseptashon benifisioso).

3. No paga nada

No paga ningun kuenta di e fayesido. No paga hür, kuenta di energia ni di telefon. Warda un ratu ku pagamentu.

Dikon esaki ta importante?

- Mayoria biaha e obligashon di pago ta terminá ku fayesimentu di e persona. Esei ta nifiká ku ta pornada bo ta paga.
- Bo a paga tòg? Den e kaso ei, komo heredero e kontrato por pasa riba bo nòmber. Ku esei abo ta bira responsabel pa e obligashonnan den e kontrato.
- Si porehèmpel bo paga e hür, bo a aseptá e herensia e ora ei konforme lei.
- Ta eksistí e posibilidat ku ta un debe bo ta heredá.
- No ta posibel mas pa rechasá e herensia. Òf pa asept'é bou di kondishonnan spesífiko (aseptashon benifisioso).

4. No saka nada for di kas di e fayesido

Saka un portrèt bieu, un buki òf kualke kos chikí for di kas di e fayesido no ta mustra dje grave ei. Tòg ta mihó warda ku esei.

Dikon esaki ta importante?

- Asina bo saka algu for di e kas ta nifiká ku bo a aseptá e herensia. Asta si e kosnan ku bo a saka no tin un balor finansiero.
- Ta posibel ku por akusabo di ladronisia, porehèmpel otro herederonan por akusabo di esei.
- Podisé ta un debe bo a heredá.
- Si bo a saka kos for di e kas, bo no por rechasá e herensia mas. Òf, bo no por asept'é bou di kondishonnan benisioso mas.

5. Regla solamente e entiero

Bo ta un famia direkto (heredero den e promé liña) òf bo a aseptá e herensia? E ora ei bo ta responsabel pa e gastunan di entiero òf kremashon. Esaki yama tambe organisá e entiero. E fayesido tabatin debe? Òf bo no sa kiko e situashon finansiero di e fayesido ta? Regla solamente e funeral.

Tin un eksepsion riba esaki. Si e famianan direkto no ta den estado pa regla e entiero (nan no ta legalmente kompetente pa aktua) òf nan no tin plaka pa e entiero? Yama e ofisina di e munisipio (gemeente) e ora ei pa ayudo. Nan ta tene un kombersashon ku famia den kua ta palabrá kon e famia por yega na un solushon. Tin biaha por hasi uso di un supsidio partikular pa yuda e famia paga e funeral.

Resumiendo

Regla solamente e entiero ora un persona fayesé. Sea sumamente kouteloso hasiendo esei. Den un fregá di wowo bo a aseptá un herensia i tin ku karga ku tur tipo di gastu. Kisas bo ta heredá asta e debenan di e fayesido. Asta si bo usa outo di e fayesido òf bo usa su telefon, esei por nifiká ku bo a aseptá e herensia, ku tur e konskuensianan - pues gastunan – di esei.

Kiko bo por hasi?

Tin hopi kos ku mihó bo no hasi. Pero, afortunadamente tin kosnan ku si bo por hasi.

Konstatá morto

Tur hende por konstatá morto di un otro persona. Despues bo ta yama e dòkter di kas ku ta duna deklarashon di fayesimentu (overlijdensakte). Esaki ta konta solamente den kaso di morto natural.

Hasi denuncia di e fayesimentu

Fecha di entierro ta konosí? Den e kaso ei bai e ofisina di munisipio ku e deklarashon di fayesimentu ku e dòkter di kas a entregá i bo ID pa denunciá e fayesimentu. Bo ta partisipá ki dia i na unda e entierro lo tuma lugá. Tin sierto munisipionan ta pidi un prueba. E ora ei bo ta kumpra un akta di defunshon (akte van overlijden), huntu ku un ferlòf (permit) pa dera òf krema. Warda e akta i entregá e permit na santana òf e krematorio dia di e funeral. Warda e ID òf e datonan personal di e fayesido. Lo bo por tin mester di nan huntu ku e akta di defunshon despues.

Preparashon di defunto

Ta permití tur hende ku ke i ku por pa prepará, bisti, hinka e defunto den kaha i asta pone e defunto na kas. E último ei ta posibel poniendo elementonan simpel di fria di djùgnan pa tene kos friu riba kurpa di e defuntu. Pero por hür plachinan pa fria ku por poné riba e kama ku ta pone e defuntu òf bou di a kaha di morto.

Transporte

No ta obligatorio pa transportá e defunto den un waha di morto. Ta permití pa transport'é porehèmpel den outo propio tambe. Informá esaki si serka e munisipio, pasobra tin sierto munisipionan ku tin nan mes reglanan. Sòru pa bo tin un ID di bo mes huntu ku bo. I no lubidá e deklarashon di dòkter òf e akta di defunshon (huntu ku e permit pa dera òf krema).

Kaha

Un kaha no ta obligatorio. E fayerido por ta den un paña spesial pa fúnebre tambe. Pero, usa un planki pa pon'é riba dje i un tapa pa tap'é si. Bo mes tambe por traha un kaha. Puntra prome na e santana òf krema si nan tin nan mes kondishonnan.

MESTER DI YUDANSA?

Bo tin pregunta òf mester di yudansa? Bèl of mail SamSam Uitvaartcoaching. 24/7 nos ta grátis na bo disposhon.